



Pou Piblikasyon Imedya: 4/10/2022

GOUVÈNÈ KATHY HOCHUL

**HOCHUL, SCHUMER, MCMAHON ANONSE: MICRON AP VINI NAN KONTE
ONONDAGA! MICRON PRAL ENVESTI 100 MILYA DOLA SAN PRESEDAN
PANDAN 20 ANE PWOCHEN YO POU TRANSFÒME NEW YORK SANTRAL POU
TOUNEN YON SANTRAL MONDYAL FABRIKASYON SEMIKONDIKTÈ DÈNYE KRI**

Patenarya istorik la kreye pi gwo envestisman nan yon pwojè faktori nan istwa Eta New York; Nouvo gwo izin fabrikasyon an pral kreye prèske 50,000 travay, plis plizyè milye travay konstriksyon avèk salè anvigè

Avèk Lwa Federal Istorik CHIPS ak Syans lan kòm fizib la, epi nan sèvi ak lejislasyon inovatè Green CHIPS New York la, Micron pral konstwi pi gwo chanm pwòp nan peyi a; Akò a etabli fon komunitè 500 milyon dola ak priyorize anbochaj pou kominate defavorize yo, veteran yo, kontraktè MWBE yo epi pral pran angajman revolisyònè pou dirabilite

Reprezantan: Se moman nou nan Kanal Erie— Envestisman Micron an pral asire ke lavni fèt nan Amerik la epi pral redefini wòl nò Eta New York nan ekonomi mondal la pou jenerasyon k ap vini yo

Gouvènè Kathy Hochul, Lidè Majorite Sena Etazini an Charles Schumer, Chèf Egzekitif Konte Onondaga Ryan McMahon, ak Direktè Egzekitif Jeneral Micron Sanjay Mehrotra te anonse jodi a youn nan pi gwo pwojè devlopman ekonomik nan istwa Etazini — yon patenarya transfòmasyon piblik-prive avèk Micron Technology pou bati yon kanpis fabrikasyon semikondiktè dènye kri nan Konte Onondaga, New York.

Micron, yon fabrikan memwa ak depo ki baze Etazini ak katriyèm pi gwo pwodiktè semikondiktè nan mond lan, pral envesti jiska 100 milya dola pandan plis pase 20 ane k ap vini yo pou konstwi pwojè a, avèk premye faz envestisman 20 milya dola yo te prevwa nan fen deseni sa a, kreye prèske 50,000 travay nan tout eta a — 9,000 nouvo travay Micron ki byen peye avèk yon salè mwayen anyèl ki depase 100,000 dola ak plis pase 40,000 travay komunitè — ak kreye plizyè milye travay nan konstriksyon avèk salè anvigè. Lè yo fini, konplèks la pral genyen ladan pi gwo espas chanm pwòp nan peyi a nan apeprè 2.4 milyon pye kare, gwosè a prèske 40 teren foutbòl Ameriken.

Se yon lòt etap pou Micron pou etabli fabrikasyon memwa dènye kri nan peyi Etazini pou satisfè demann pwodui konsomatè, endistriyèl ak biznis tankou otomobil ak mobil,

ki alimante avèk adopsyon entelijans atifisyèl ak 5G epi fè Etazini vin pi konpetitif globalman. Travay nan fabrikasyon modèn nan Micron pral gen ladan opòtinite pou Nouyòkè ki gen divès oriin edikatif ak pwofesyonèl depi nan Sant New York ak pi lwen. Envestisman istorik sa a ajoute nan endistri semikondiktè New York ki déjà solid. Kounye a, New York abrite 76 konpayi semikondiktè ki anplwaye plis pase 34,000 Nouyòkè, ki gen ladan lidè endistri mondal tankou GlobalFoundries, Wolfspeed, onsemi, ak IBM. New York abrite tou konplèks Albany Nanotech ki gen renome nan mond lan ki se yon patenarya publik-prive ki gen plizyè milya dola, ki gen ladan I yon enstalasyon rechèch ak devlopman semikondiktè 300 milimèt ki pi avanse, ke publik la posede, ki pi avanse ak 300 milimèt epi ki rasanble premye inivèsite yo ak dirijan nan endistri a pou reyalize devlopman pis dènye kri.

Sant New York te wè gwo fabrikan Ameriken yo ak plizyè milye bon travay disparèt lè Agway Inc., Anaren Microwave, Carrier, Crucible, General Electric, Miller Brewing ak General Motors te fèmen pòt yo. Micron ap pote fabrikasyon ki pare pou lavni tounen nan Sant New York lè li bati yon kanpis fabrikasyon pis memwa dènye kri sou 567 kawo tè nan Pak Komèsyal White Pine nan vil Clay, nan nò Syracuse, sa k ap kreye opòtinite ekonomik pou jenerasyon alavni yo epi retounen bon travay fabrikasyon nan nò Eta New York. Micron pral vin youn nan pi gwo anplwayè nan rejyon an, li pral peye prèske doubl salè mwayèn nan Sant New York.

Konfòmeman avèk Lwa Green CHIPS (Green CHIPS Act) Eta New York ki pi enpòtan nan peyi a, Micron pral tire elektrisite li nan sous 100 poustan renouvlab epi pran angajman gran anvègi nan zafè dirabilite. Micron pral aplike tou yon kad envestisman kominotè demi milya dola pou asire ke pwojè a benefisyé moun ak kominote yo nan Sant New York.

Gouvènè Kathy Hochul te deklare, "Envestisman 100 milya dola Micron nan New York make kòmansman yon bagay ki transfòmatè nan anvègi ak posiblite pou avni ekonomik eta nou an. Mwen te pwomèt ke nou t ap relanse ekonomi an nan tounen yon eta ki pi adapte pou biznis ak travayè nan nasyon an, ak gras a lwa State Green CHIPS nou an, Lwa federal CHIPS ak Syans lan, ak patenarya ekstraòdinè avèk biznis, travayè, ak lidè lokal ak federal yo, pwojè sa a pral fè egzakteman sa. Ansanm, n ap pwofite envestisman sa a — pi gwo envestisman sektè prive nan istwa eta a — pou sekirize avni ekonomik nou, solidifye pozisyon New York kòm yon sant fabrikasyon mondal, epi mennen eta a nan yon lòt Revolisyon Endistriyèl".

Lidè Majorite Sena a, Charles Schumer, te deklare, "Apre plizyè ane travay, se ofisyèl —Micron ap vini nan Sant New York! Avèk pwojè lwa CHIPS ak Syans mwen te ekri epi mwen te defann tankou fizib la, envestisman 100 milya dola Micron fè nan nò Eta New York pral fondamantalman transfòme rejyon an pou tounen yon sant mondal pou fabrikasyon epi pote plizyè dizèn milye gwo teknoloji ak travay konstriksyon ki byen peye nan Sant New York. Pwojè sa a se yon pwen detèminan konsiderab pou yon rejyon ki te fè fas a plizyè deseni pèt travay nan fabrikasyon, epi, an konbinezon ak endistri mikwopis New York ki déjà solid soti nan Hudson Valley, Albany, ak Mohawk Valley rive Binghamton, Rochester, ak Buffalo, li pral mete Nò Eta New York sou kat

jeyografik la nan yon fason nou pa te wè depi plizyè jenerasyon. Se moman Kanal Erie nou an. Menm jan Kanal Erie orijinal la te fè plizyè syèk de sa, Kanal Erie 21yèm Syèk sa a pral koule nan kè Sant New York epi redefini plas Nò Eta New York nan ekonomi mondal la pou jenerasyon k ap vini yo. Envestisman Micron pral fè koridò semikondiktè New York la tounen yon gwo motè k ap alimante ekonomi nou an epi l ap founi mikwopis 'Fabrike nan New York' pou tout bagay, soti nan veyikil elektrik, 5G, ak teknoloji defans pou rive nan ödinatè pèsonèl ak telefòn entelijan. Anons jodi a se rezulta batay long mwen pou retounen ak fabrikasyon nan nò Eta New York. An final, sè ke san lejislasyon CHIPS ak Syans lan, Micron t ap deside bati gwo izin fabrikasyon li a aletranje. Envestisman sa a pa kite okenn dout ke avni fabrikasyon mikwopis yo pral rete pa sèlman nan peyi sa a, men nan Syracuse espesyalman, epi avni nou an pral bati nan nò Eta New York, avèk Sant New York kòm yon sant mondal nan endistri pis la".

Chèf Egzekitif Konte Onondaga a, Ryan McMahon, te deklare, "Anons jodi a valide sa nou te konnen deja — Pak Komèsyal White Pine lan se premye sit nan peyi a ki atire yon envestisman nan endistri semikondiktè, epi nou kontan akeyi Micron nan kominote nou an. Se moman Kanal Erie pou jenerasyon nou an, epi administrasyon mwen an pran angajman pou l respekte moman esansyèl ak eksitan sa a. N ap asire ke chak katye nan chak kwen nan Konte a santi yo fè pati pwojè istorik ak transfòmatè sa a. Osi empòtan, sa a se yon pwojè ke anpil moun te santi nou pa te merite li, men an final, pi gwo konpayi teknoloji memwa nan monn lan te chwazi Konte Onondaga. Micron pral envesti yon santèn milya dola pou non sèlman rezoud defi demann mondal yo, men tou pou satisfè demann sekirite nasyonal pou peyi sa a. Desizon Micron pran pou l envesti nan Sant New York epi rezoud pwoblèm sa yo non sèlman sipòte pi gwo estrateji nou an pou devlope kominote nou an, men li valide pwogrè enkontestab nou. Mwen pa ka tann pou m wè patenarya long ak reyisi sa".

Direktè Egzekitif Jeneral Micron, Sanjay Mehrotra, te deklare, "Anons istorik sa a se yon gwo viktwa pou Micron, pou New York, ak Etazini. Mwen rekonesan anvè Prezidan Biden ak Administrasyon li a paske yo te fè Lwa CHIPS ak Syans lan tounen yon priyrite, anvè Lidè Schumer ak yon kowalisyon bipatit nan Kongrè a paske yo te adopte lejislasyon an, anvè Gouvènè Hochul ak Chèf Egzekitif Konte McMahon pou lidèchip ak patenarya yo. Efò konbine yo nan nivo federal, eta, ak lokal te prepare wout pou Micron reyalize pi gwo envestisman prive ki te janm fèt nan istwa eta New York. Nou kontan anpil pou nou fè envestisman empòtan sa a nan New York, ki fè Empire State vin pi gwo sit memwa dènye kri nan peyi Etazini. Nou te chwazi kote sa a pou plizyè rezon, men sa ki pi empòtan an — Sant New York ofri yon bann talan divèsifye, ki gen ladan kominote ki tradisyonèlman pa byen reprezante nan travay teknologik yo. Gwo izin fabrikasyon memwa dènye kri istorik sa a pral pote benefis pi lwen pase endistri semikondiktè a lè li ranfòse lidèchip teknoloji Ameriken an, ansanm ak sekirite ekonomik ak nasyonal, pou ankouraje inovasyon Ameriken ak konpetisyon pou plizyè deseni alavni".

Micron pral devlope yon konplèks fabrikasyon semikondiktè 100 milya dola sou pwochen 20 ane yo nan plizyè faz, kote envestisman nan premye faz ki se 20 milya

dola te prevwa pou fen deseni sa a. Chak faz ta dwe gen ladan konstriksyon ak ekipe kat izin fabrikasyon memwa. Yo prevwa konstriksyon an dapre yon akò travay pwojè a, epi yo pral peye travayè yo, pou pi piti, to salè federal ki anvizè a. Micron prevwa depanse tou 30 poustan bidjè konstriksyon li a nan travay Moun ki Sosyalman ak Ekonomikman Defavorize, Biznis Fanm ak Minorite Eta New York sétifye, ak Biznis Veteran ki Andikape nan Sèvis Posede yo te reyalize.

Envestisman san parèy sa a vin posib gras a Lwa istorik, CHIPS ak Syans ak bipatit Schumer a ki te mennen nan adopsyon li nan kòmansman ane sa a. San lejislasyon sa a, Micron t ap deside bati gwo izin fabrikasyon li a aletranje. Pwojè Iwa a te kreye yon kredi enpo sou envestisman pou enstalasyon fabrikasyon semikondiktè yo 52 milya dola san parèy kòm avantaj federal la pou ankouraje rechèch semikondiktè, devlopman, fabrikasyon Ameriken, ak fòmasyon mendèv pou tounen pote travay ki byen peye sa yo soti aletranje, ranfòse sekirite nasyonal, epi retabli lidèchip teknolojik Amerik la. Benefisyè pwojè Iwa a egzije pou moun k ap resevwa avantaj sa yo fè envestisman empòtan nan travayè yo ak nan kominate a ki sipòte kwasans ekonomik ekitab. Menm jan an tou, nan kad avantaj ki baze sou pèfòmans atravè pwogram Green CHIPS Eta New York la, pwojè a estime l ap bay yon rapò total avantaj-kou apeprè 20:1, sa vle di Micron pral dirèkteman depanse 20 nan envestisman kapital, rechèch ak devlopman, epi salè ak reminerasyon pou chak 1 dola sipò Eta New York bay.

Yon etid sou enpak ekonomik pa Regional Economic Models, Inc. (REMI) estime ke pwojè Micron an pral jenere kwasans ekonomik transfòmatè pou Sant New York ak Eta New York. Pandan premye 31 ane operasyon yo, REMI estime ke pwojè a pral:

- Kreye, an mwayèn, prèske 50,000 travay nan Eta New York chak ane, ki gen ladan 9,000 travay dirèkteman avèk konpayi an.
- Fè ekonomi Eta New York la grandi anpil, jenere yon lòt 16.7 milya dola nan pwodiksyon ekonomik reyèl (ajiste pou inflasyon), an mwayèn pa ane ak 9.6 milya dola nan Pwodui Entèn Brit (GDP) reyèl an mwayèn.
- Bay yon mwayèn anyèl ke yo evalye kòm 5.4 milya dola nan revni pèsònèl disponib reyèl pou rezidan New York.
- Jenere yon ogmantasyon mwayèn anyèl 556 milyon dola nan revni gouvènman eta a, ki totalize 17.2 milya dola sou 31 premye ane pwojè a, ak yon ogmantasyon mwayèn anyèl 826.1 milyon dola nan revni gouvènman lokal yo, ki totalize 25.6 milya dola nan menm peryòd tan an.
- Se youn nan pi gwo pwojè konstriksyon nan Amerik di Nò, avèk depans konstriksyon 31 milya dola ak 5,600 travay an rapò ak konstriksyon an mwayèn nan salè federal anvizè yo, pou premye 20 ane yo.

ANGAJMAN POU ENVESTISMAN KOMINOTÈ

Dapre egzijans pwogram Green CHIPS ESD a, ak sa yo prevwa nan Lwa federal CHIPS Syans lan, Micron pral angaje l pou 20 ane envestisman kominotè. Envestisman sa yo pral sipòte atravè yon Fon Envestisman Kominotè Green Chips 500 milyon dola, ki gen kontribisyon 100 milyon dola atravè ESD, omwen 250 milyon dola atravè Micron,

ak rès la atravè patnè lokal, nan tout eta a ak nasyonal. Plis enfòmasyon sou Fon an ap vin disponib nan semèn k ap vini yo.

PWEN FÒ SOU DIRABILITE

Dapre pwogram Green CHIPS New York, ESD, ak Micron pral antre nan yon Plan Dirabilite Green CHIPS pou asire ke Micron pral itilize 100 pousan enèji renouvlab pou elektrisite ak preferans pou sous nan eta a. Anplis de sa, tout izin fabrikasyon ak biling biwo yo pral bati nan yon estati LEED Gold minimòm, sa ki fè pwojè a se youn nan izin fabrikasyon pis ki pi dirab nan monn lan.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Micron te chwazi Eta New York akòz travay san pran souf nan tout nivo gouvènman an pou fè eta nou an tounen yon plas kote konpayi tankou Micron vle sitiye ak grandi. Mwen vle remèsyé Gouvènè Hochul pou lidèchip li, espesyalman nan adopsyon pwogram Green CHIPS Eta a, ak pou defans li pou adopsyon Lwa federal CHIPS ak Syans lan. Pandan plizyè deseni, nou te konkeri espas nan tranzisyon soti nan fabrikasyon tradisyonèl pou pase nan manifakti avanse, epi desizyon Micron pou l rete nan Rejyon Sant New York se elan nou bezwen pou nou reyisi".

Prezidan ak Direktè Jeneral Egzekitif CenterState, Robert M. Simpson, te deklare, "Echèle enstalasyon semikondiktè Micron nan Sant New York vrèman san konparezon epi li pral mete kominote nou an nan premye plan fabrikasyon semikondiktè. Envestisman ak travay ki pral kreye atravè Micron pral transfòme kominote nou an epi gen avantaj ekonomik ki gen efè sou tout eta a. Pandan de deseni, lidè kominote sa a te travay pou kreye kalite kote ki ta ka sipòte yon pwojè nan anvègi sa a. Mwen eksepsyonèlman fyè dèské Micron te remake istwa efò revitalizasyon oto-dirije nou yo. Memwa rapid, dènye kri enpòtan pou kwasans IoT, Smart Cities, 5G, ak sektè UAS, kote nou te fè envestisman reyjonal sible. Prezans Micron nan Sant New York konble yon twou vid nan estrateji alontèm nou an pou devlope solisyon bout a bout pou demann mondyal k ap grandi pou Sistèm Entelijan yo. Mwen ekstrèmeman fyè de travay patnè lokal, eta ak federal nou yo, ki te mete tèt ansanm pou konkretize pwojè enpòtan sa a. Ekip nou an pare pou kontinye travay avèk Micron pou asire siksè alontèm li isit la. Micron, byenvini nan Sant New York".

Pou atire envestisman transfòmatè, plizyè milya dola sa nan New York, ESD te ofri yon pake avantaj ki baze sou pèfòmans jiska 5.5 milya dola nan kredi enpo Green CHIPS Excelsior sou de faz pandan 20 ane. Avantaj sible sa yo dirèkteman lye ak Micron k ap kreye 9,000 novo travay, envesti 100 milya dola, ak satisfè pake benefis kominotè Green CHIPS ak estanda dirabilite yo. Akò a gen ladan tou yon angajman Eta New York pou l envesti 200 milyon dola pou amelyorasyon wout ki nesesè yo ak lòt enfrastrikti ki antoure kanpis la, ak 100 milyon dola nan finansman pou benefis kominotè yo nan kad Fon Kominotè Green CHIPS 500 milyon dola. Anplis de sa, Konsèy Administrasyon Otorite Enèji New York (New York Power Authority, NYPA) la pral revize yon prim alokasyon enèji soti nan pwogram elektrik ReCharge NY NYPA nan pri ki ba nan yon reyinyon publik alavni.

Ajans Developman Endistriyèl Konte Onondaga ak Micron pral antann yon akò PILOT (Peman nan Plas Enpo) pou 49 ane ak rediksyon enpo sou lavant eta ak lokal sou depans konstriksyon yo. Depatman Dlo ak Pwoteksyon Anviwònman Konte Onondaga ak Otorite Dlo Konte Onondaga pral fè amelyorasyon ki nesesè nan enfrastrikti dlo ak dlo ize pandan tout sik lavi pwojè a pou sipòte pwojè a ak kominate ki antoure a.

Konte Onondaga pral bay:

- Yon sibvansyon fasad 5 milyon dola.
- Yon envestisman 10 milyon dola an konjonksyon avèk Syracuse University pou etabli yon inisyativ rechèch ak developman semikondiktè ki pral sitiye nan Syracuse Center of Excellence.
- Yon sibvansyon 5 milyon dola pou dirabilite mendèv ki pral debouse sou dis ane pou ede finanse developman konpetans lokal pou rezidan Konte Onondaga, an patenarya ak enstitisyon lokal yo tankou Onondaga Community College.
- Yon sibvansyon 5 milyon dola pou atraksyon mendèv pou ede ak anbochaj pandan peryòd developman inisyal pwojè a.

Semikondiktè yo enpòtan anpil pou fòs ekonomik nasyon an, sèvi kòm sèvo elektwonik modèn yo, ak pèmèt teknoloji enpòtan pou kwasans ekonomik Etazini, sekirite nasyonal, ak konpetisyon mondal. Endistri a anplwaye dirèkteman plis pase 277,000 moun nan Etazini epi li sipòte plis pase 1.8 milyon lòt travay lokal. Semikondiktè yo se youn nan senk pi gwo pwodui ekspòtasyon Etazini, epi endistri a se premye kontribitè nan pwodiktivite travay, ki sipòte amelyorasyon nan efikasite nan prèske chak sektè ekonomik — soti nan agrikilti rive nan fabrikasyon.

Pwoblèm chèn apwovizyònman yo ak yon diminisyon nan pòsyon pwodiksyon pis mondal Etazini an ap lakoz difikilte ki depase nan tout aspè nan ekonomi an. Ewozyon kapasite pwodiksyon pis Etazini an mete peyi nou an nan yon dezavantaj estratejik nan plizyè domèn enpòtan, ki enkli sekirite nasyonal, inovasyon teknolojik, ak kwasans ekonomik ak endepandans. Paske plis pase 300 endistri itilize pis — soti nan machin rive nan telefòn selilè — rate yo ogmante pri lòt byen konsomasyon yo. Senatè Charles Schumer te jwe yon wòl enpòtan nan adopsyon Lwa 2022 bipatit sou CHIPS ak Syans lan, ki se yon priyrite kle nan ajanda Biden-Harris la epi ki fèt pou kreye travay ak ranfòse kwasans ekonomik lè yo envesti nan fabrikasyon semikondiktè Ameriken an. Nouvo enstalasyon Micron an pral mete Eta New York kòm yon lidè nasyonal nan relokalize travay semikondiktè enpòtan nan peyi Etazini, yon pi gwo priyrite nan ajanda Gouvènè Kathy Hochul a jan sa tabli nan premye Diskou sou Sitiyasyon Eta a, ki te fèt nan mwa janveye ane sa a.

###